

乙未戰役詠史詩

1. 序

戰史紛紜煙海深。不安提筆復沉吟。愛憎難免評功過，一片詩心伴月斟。

2. 北白川宮

揮軍奉命接臺灣。萬里風濤奏凱還。彰化城堅征戰苦，獅球嶺險步行艱。
雷轟砲巨干戈息，雨下彈流血淚潛。近衛師團昇旭日，光披鯤島喜天顏。

3. 丘逢甲

拜將壇高建義軍。壯懷豪筆寫臺氛。荒原落日開詩境，殘島揚塵擲地文。
未見征衫雄鼓角，卻留同志慘邱墳。飄零惟剩蓬瀛夢，愧說英雄鄭子勳。

4. 劉永福

中法軍功百戰酣。遙啣鳳詔守臺南。忠心子弟雄關駐，輔齒賓僚徹夜談。
不信扶桑傳捷報，誰教鯤島致降函。難鳴孤掌江東走，劍斷身亡項羽慙。

5. 王松

不作周人只食薇。請纓無路感歎欷。干戈不死編遺稿，鋒鏑餘生避旭暉。
身世浮沉空劍舞，河山破碎枉毫揮。回天無力聊看菊，撲面花香興不違。

6. 易順鼎

書生戎服霸登壇。詩句恢奇見幼安。墨經浮槎橫海志，赤嵌孤島濟時丹。
人情似紙空披髮，世局如棋已易冠。儒將流風掀巨浪，千山雪白洗忠肝。

7. 吳彭年

據鞍披甲戰城東。橫槊賦詩氣象雄。八卦山圍流義血，七星旗捲補天功。
堅存孤島田橫壯，羞渡烏江項羽窮。白骨千秋知己殉，赤嵌潮水夕陽紅。